

南
北
史
合
注

欽定四庫全書

南北史合注卷六十三

明 李清 撰

列傳第五十二

南史六十三

胡僧祐

徐文盛

陰子春

子銓

杜 翦

兄弟 弟如安
兄子翦

熊曇朗

次入

胡僧祐字願果南陽冠軍人少勇決有武幹仕魏位銀

青光祿大夫以大通三年避爾朱氏之難歸梁頻上封事武帝器之拜大德主帥使戍項城魏克項城因入北中大通元年陳慶之送魏北海王元顥入洛陽僧祐又歸梁除南天水天門二郡太守有善政好讀書受緝緹然文辭鄙野多被譏誑而自謂實工於代彌甚晚事梁孝元侯景之亂西沮蠻反令僧祐討之使盡誅其渠帥僧祐諫忤旨下獄大寶二年景圖王僧辨於巴陵孝元乃出僧祐於獄拜為假節武猛將軍封新市縣侯令援

僧辨將發泣下謂其子玘曰汝可開朱白二門吾不捷則死吉則由朱凶則由白孝元聞而壯之

三國典畧曰元帝厚撫其家謂僧祐曰景便陸道不關水戰若水戰但以大艦臨之自當必克若其步戰自可鼓棹直就巴邱不必交鋒

前至赤沙亭

梁書曰僧祐至楊浦景遣其將任約率銳卒五千據白塔邊待之僧祐從別路西上約謂畏已而退急追

之及於南安芋口大呼吳兒何不早降僧祐不與言
潛引却

會陸法和至乃與并軍大敗景將任約軍擒約送江陵
景聞之遂遁後拜領軍將軍厚自封植以所加鼓吹恒
置齋中對之自娛或曰此是羽儀公名望隆重不宜若
此答曰我性愛之恒須見或出游亦以自隨人士笑之
承聖二年為車騎將軍開府儀同三司及魏軍至以僧
祐為都督城東諸軍事

梁書白魏軍四面進攻百道齊舉僧祐身當矢石晝
夜督戰獎厲將士明於賞罰衆皆感之咸為致死所
向摧殄

俄中流矢卒城遂潰

徐文盛字道茂彭城人家本魏將父慶之梁天監初自
北歸南未至道卒文盛仍統其衆稍立功績大同末為
寧州刺史州在僻遠羣蠻不識教義劫竊相尋前後刺
史莫能制文盛推心撫慰夸人感之風俗遂改太清二

欽定四庫全書

年聞國難乃召募得數萬人來赴孝元以為秦州刺史
加都督授以東討之畧東下至武昌遇侯景將任約遂
與相持孝元又命護軍將軍尹悅平東將軍杜幼安巴
州刺史王珣等會之並受文盛節度大敗約於貝磯約
退保西陽文盛進據蘆州又與相持景聞之率大衆西
上援約至西陽諸將咸曰景水軍輕進又甚飢疲擊之
必大捷文盛不許文盛妻石氏先在建鄴至是景載還
之文盛深德景遂密通信使諸無戰心衆咸憤怒杜幼

安宋邁等乃率所領獨進大破景獲其舟艦以歸會景
密遣騎間道襲陷郢州軍中懼遂大潰文盛奔還荊州
孝元仍以為城北面大都督又聚斂賦汙甚多孝元大
怒令數其十罪除其官爵文盛私懷怨望孝元聞之乃
下之獄時任約被擒與文盛同禁文盛謂約曰何不早
降令我至此約曰門外不見鄉馬跡使我何處得降文
盛無以荅遂死獄中

陰子春字幼文武威姑臧人家南平父智伯與梁武隣

居少相善嘗入梁武卧内見有異光成五色因掘手曰
公後必大貴非人臣也天下方亂安蒼生其在君子梁
武曰幸勿多言於是情好轉密每有求於子春加外府
馬及踐祚官至梁秦二州刺史厯胸山戍主東莞太守
時青州石鹿山臨海先有神廟刺史王神念以百姓祈
禱糜費毀神影壞屋舍當坐棟上有一大蛇長丈餘役
夫打撲不能擒得入海水爾夜子春夢人通名詣子春
云有人見苦破壞宅舍既無所托欽君厚德欲憇此境

子春密記之經二日知之甚驚以為前所夢神因辨壯
醜請召安置一處數日復夢一朱衣人辭謝云得君厚
惠當以一州相報子春喜供事彌勤經月餘魏欲襲胸
山間謀前知子春設伏摧破之詔授南青州刺史鎮胸
山又遷都督梁秦二州刺史子春雖無他才行臨人以
廉潔稱閭門混雜而身服汗垢足必數年一洗言每洗
則失財敗事曾在梁州以洗足致梁州敗太清二年徵
為侍中屬侯景亂考元令子春隨王僧辨攻平邵陵王

綸又與左衛將軍徐文盛東討景至身磯與景遇子春力戰恒冠諸軍會郢州陷軍遂退卒於江陵子鏗字子堅博涉史傳又善五言詩當時重之為梁湘東王繹法曹行叅軍初鏗嘗與賓客宴飲見行觴者回酒炙投之衆坐皆笑鏗曰吾儕終日酣酒而執爵者不知其味非人情也及侯景亂鏗嘗為賊所擒救之獲免鏗問之乃前行觴者陳天嘉中為始興王伯茂中錄事叅軍文帝嘗晏群臣賦詩徐陵言之帝即日召鏗預晏使賦新成

安樂宮鏗援筆便就帝甚歎賞之累遷晉陵太守兼散騎常侍頃之卒文集三兼行世

杜薊京兆杜陵人其先自北歸南居雍州之襄陽子孫因家焉父懷瑤少有志節梁天監中立功南鄭位梁秦二州刺史大同初魏軍圍南鄭懷瑤命第三子焜帥二百人與魏前鋒戰於光道寺漢矢中其目矢馬交稍將至焜斬其一騎而上馳歸焜膂力絕人便馬善射一日中戰七八合所佩霜明朱弓四石餘力斑絲纏稍長二

丈夫同心敢死士百七十人每出殺傷數百人敵人憚
之號為杜彪懷瑤卒於州謚桓侯焱位西荊州刺史時
識言獨梁之下有瞎天子湘東王繹以焱其人也會焱
改葬父祖帝敕圖墓者惡為之逾年焱卒焱弟也幼
有志氣居鄉里以膽勇稱後為新興太守太清二年隨
岳陽王啓來襲荊州湘東與焱兄岸舊密書遺之焱乃
與岸弟幼安兄子龔等夜歸湘東以為武州刺史封枝
江縣侯隨領軍王僧辯東討侯景至巴陵景遁加侍中

進爵為公仍隨僧辯追景至石頭景敗薊入據臺城景
平加散騎將軍江州刺史吳月森將郭元建攻秦州刺
史嚴超達於秦郡王僧辯令薊赴援陳武亦自歐陽來
會元建衆却薊因縱兵大破之元建遁時湘東執王琳
於江陵琳長史陸納等於長沙反徵薊與王僧辯討之
及納等戰於車輪大敗之後納等降薊又與王僧辯西
討平武陵王紀於硤石旋鎮溝疾卒諡曰武薊兄弟九
人兄嵩岑嶽友嶽岸及弟嶽幼安並知名岸字公衡太

清中與薊隨岳陽王營攻荊州歸湘東王繹以為北梁
州刺史封江陵縣侯岸請五百騎襲襄陽去城三十里
城中覺之岳陽夜知其事以岸等襄陽豪帥乃夜遁歸
襄陽岸等知岳陽至遂奔其兄南陽太守獻於廣平岳
陽遣將尹正薛暉等攻拔之獲獻岸等并其母妻子女
並斬於襄陽北門岳陽母龔保林數岸於東岸曰老婢
教汝兒殺汝叔乃枉殺忠良營命拔其舌齧殺而烹之
盡誅諸杜宗族親者幼弱下蠶室又發其墳墓火其骸

骨灰而揚之并以為漆斃及建鄴平薊兄弟發昭明太子安寧陵焚之以報漆斃酷解亦不責也

愚按薊兄弟身為人臣敢發帝兄陵雖名復仇亦云矣蓋明知元帝殺營仇營必不代死兄報怨故敢為此雖然元帝薄兄乃爾猶責宣帝厚叔耶觀此一事可以原營矣

幼安性至孝寬厚雄勇過人與兄薊同歸湘東王以為西荊州刺史封華容縣侯與王僧辯攻河東王營於長

沙平之又令助徐文盛東討侯景至貝磯大破景將任
約斬其儀同叱羅子通湘州刺史趙威方等仍進軍大
舉漢口別攻拔武昌景渡瀘洲上流以壓文盛等幼安
與衆軍大敗之會景密遣騎襲陷郢州執刺史方諸人
情大駭文盛由漢口遁歸衆軍大敗幼安降景景以其
反覆殺之龔岑之子少饒勇善用兵與諸父歸湘東王
以為郢州刺史封中盧縣侯與王僧辯平河東王營又
隨僧辯下繼徐文盛軍至巴陵聞侯景陷郢州西上將

至乃與僧辯等守巴陵景至圍之數旬不克而遁遷太府卿定州刺史

梁書曰龔隨僧辯追景至江夏圍其城景將宋子仙棄城逃龔追至楊浦生擒之

及衆軍至姑熟景將侯子鑿迎戰龔與陳武王琳等擊敗子鑿遂至石頭景請會戰龔與衆軍大破之景遂東奔論功為最授東揚州刺史又與王僧辯降陸納平武陵王紀及魏平江陵後齊納貞陽侯洲明紹梁嗣龔累

遷南豫州刺史封溧陽縣侯又加散騎常侍鎮南大將軍龔僧辯塔也始為吳興太守以陳武既非素貴及為之本郡以法繩其宗門無所縱捨陳武銜之切齒及僧辯敗龔乃據吳興拒之頻敗陳文軍

梁書曰龔遣軍副杜泰攻陳清於長城反為所敗
愚按清即文帝也當是陳人自諱耳宜從南史

龔好飲酒終日恒醉勇而無略部將杜泰私通於陳大說龔降陳文龔然之其妻王氏曰霸先讎隙如此何可

求和因出私財賞募復大敗陳文軍後秦降陳文龕尚
醉不覺仍遣人負出項王寺斬之

梁書覃霸先遣將周文育討龕龕會從弟北叟出拒
敗績走義興霸先親率衆圍之會齊將柳達摩襲建
康霸先恐與齊連和龕聞齊兵退乃降遂遇害與南
北不同三國典略曰龕敗乃降周鐵虎送龕祝項王
神使力士拉於坐從弟北叟司馬沈孝敦並賜死

愚按龕既與陳氏為仇降亦不免安肯降降者陳人

誣辭當從南史

王氏因截髮出家杜氏一門覆矣

熊曇朗豫章南昌人世為郡著姓曇朗斲弛不羈有替
力容貌甚偉侯景之亂稍聚少年據豐城縣為柵性桀
黠劫盜多附之梁孝元以為巴山太守魏克荊州曇朗
兵力稍強劫掠隣縣縛賣居民山谷中最高為巨患及侯
瑱鎮豫章曇朗外示服從陰欲圍瑱侯方見叛瑱曇朗
為之謀主瑱敗曇朗獲瑱馬仗子女甚多及蕭勃踰嶺

歐陽頤為前軍曇朗紹頤共往巴山襲黃法氈又報法
氈期共破頤且日事技與我馬仗乃出軍與頤犄角而
追又紹頤曰余孝頃欲相掩襲須分留奇兵甲杖既少
恐不能濟頤送甲二百領助之及至城下將戰曇朗偽
北法氈乘之頤失援狼狽退馭曇朗取其馬仗而歸時
巴山陳定亦擁兵立若雲朗偽以女妻定子又謂定曰
周迪余孝頃並不願此婚必以強兵來迎定信之及至
曇朗執之收其馬仗並論價責贖陳初拒王琳有功封

永化縣侯位平西將軍開府儀同三司及周文育攻余
孝勵於豫章曇朗出軍會之文育失利曇朗乃害文育
以應琳琳東下文帝徵南川兵江州刺史周迪高州刺
史黃法氈欲沿流應赴曇朗乃據城列艦遏迪等及琳
敗走迪攻陷其城曇朗走入村中村人斬之傳首建鄴
懸於朱雀航宗族無少長皆棄市

南史初從陳書置曇朗賊臣傳然琳固梁忠臣也應
琳者豈得為賊今改付梁諸臣傳後

論曰忠義之道安有常哉善言者不必能行蹈之者恒
在所忽胡僧祐太清之季名宦蓋微乃期之殞命然則
貞勁之節歲寒自有性也文盛克終有鮮詩人得所誠
焉子春戰乃先鳴幽通有助及梁州之敗以濯足為尤
杜氏終致覆亡亦云圖墓之咎吉凶之兆二者豈易知
乎

熊曇朗多詐然末應王琳知所歸矣吾節取焉

蔡大寶字敬位濟陽考城人父點梁尚書儀曹郎南兗

州別駕大寶少孤篤學不倦善屬文初以明經對策第一解褐武陵王紀國佐常侍嘗以書干僕射徐勉勉大賞異乃令與其子遊處所有墳籍盡給之遂博覽群書學無不綜梁宣帝初出第勉仍薦大寶為侍讀兼掌記室尋除尚書儀曹郎及宣帝出鎮會稽大寶詣選曹詔議不得以為記室大寶攘臂而出曰不為孫秀非夫也宣帝以岳陽王蒞襄陽遣諮議叅軍謀謨皆自大寶出及孝元與河東王譽結陳宣帝令大寶使江陵觀之

孝元素知大寶見之甚悅乃示所制玄覽賦令注解焉
三日畢孝元大嗟賞之贈遺甚厚大寶還白宣帝云湘
東必有異圖禍亂將作不可下援臺城宣帝納之

資治通鑑曰岳陽王譽聞侯景克郢州遣蔡大寶將
兵一萬據武寧遣使至江寧詐稱赴援衆議欲告以
侯景已破令其退軍湘東王繹曰今語以退軍是趣
之進也乃使謂大寶曰岳陽屢啟連和不相侵犯卿
何忽據武陵今當遣天門大守胡僧祐精甲二萬鐵

馬五千頃澗水待時進軍譽聞召大寶軍還

及稱帝江陵以大寶為侍中尚書令參掌選事進柱國
軍師將軍封安豐縣侯孝明嗣位冊受司空中書監中
權大將軍領吏部尚書固讓司空許之加特進天保三
年卒及葬孝明三臨其喪贈司徒進爵為公諡曰文凱
配食宣帝廟大寶性嚴肅有智謀雅達政事文辭贍速
宣章表章書記教令詔冊並大寶專掌之帝推心委任
以為謀主時人以帝有大寶猶先主之有孔明所著集

三十卷及尚書義疏並行於世有四子次子延壽有器識博涉經籍尤善當世之務尚宣帝女宣城公主扈御史中丞從後主入隋終於成州刺史大寶弟大業有至行官至都官尚書太常卿子允恭報最知名美姿容工為詩位太子舍人梁滅入陳為尚書庫部郎陳亡仕隋起居舍人

愚按允恭入唐累官太子洗馬著後春秋惜不傳明姚士彞補之仍其名

王操字子高，其先大原晉陽人。宣帝母龔太后之外弟，性敦厚，有籌略。初為帝外兵參軍，親任亞於蔡大賓。及稱帝，歷五兵尚書、郢州刺史。進柱國，封新康縣侯。孝明嗣位，授鎮右將軍、尚書僕射。及吳明徹為寇，帝出頓紀南，操撫循將士，莫不用命。明徹既退，江陵獲全，操之力也。累遷開府儀同三司，領荊州刺史。操既位，居朝右，每自挹損，深得當時之譽。卒，帝舉哀於朝堂，流涕曰：「天不使吾蕩平江表，耶何奪吾賢相之速也！」及龔親相於瓦。

官門贈爵為公爵為公謚康節有七子次子衡最知名
有才學位中書黃門侍郎

魏益德襄陽人有材幹胆勇過人宣帝踐極進柱國封
上黃縣侯卒贈司空謚忠壯進爵為公天保五年以益
德配食宣帝廟

尹正其先天水人宣帝蒞雍州正為府中兵叅軍擒張
纘獲杜岸皆正之力及稱帝除護軍將軍位柱國封新
野縣侯卒贈開府儀同三司謚曰剛孝明天保五年以

正配食宣帝廟子德毅位權略位大將軍初宣帝既平江陵德毅說帝曰臣聞人主之行與匹夫不同匹夫歸小行競小廉以取名譽人主者定天下安社稷以成大功今魏鹵貪憚罔顧弔伐之義俘囚士庶並充軍實然此等戚屬或在江東悠悠之人未可門到戶說既塗炭至此咸為天下為之殿下既殺人父兄孤人子弟人盡讎也又誰與為國今魏之精銳盡萃於此犒師之禮非無故事若殿下為故亭會固請于謹等為歡彼無我虞

當相率而至預伏武士因而斃之江陵百姓撫而安之
文武官僚隨即銓授魏人懾息未敢送死僧辯之徒折
簡可致然後朝服濟江入踐皇極纘堯復禹萬世一時
帝謂德毅曰知此策非不善也然魏人待我甚厚未可
背德若遽為卿計則鄧祈侯所謂人將不食吾餘既而
閩城長幼被鹵入關又失襄陽帝恨之乃曰不用德毅
之言以至於是

愚按是時代梁孝元者為于謹韋孝寬謹則宇文泰

所取計而孝寬則先挫高歡於玉壁勛懼悒疾死兩
人知畧乃爾豈頓為宣帝所誘而俛首就戮若果用
此計不但無成有立敗耳姑取其志可也若以不用
德毅為失策真書生過見

後以見疑賜死

甄玄成字敬平中山人博達經史善屬文少為簡文所知以錄事叅軍隨宣帝鎮襄陽轉中記室參軍頗叅政事以江陵兵甲殷盛遂懷二心密書與孝元具申誠疑

或有得其書送宣宣帝宣帝深信佛法常願不殺誦法
華經人玄成素誦法華經遂獲免帝後見之常曰甄公
好得法華經力後位吏部尚書有集二十卷子翽少沈
敏閑習政事歷尚書右丞從後主入隋終太府少卿

本善方字思義南陽棘陽人父昶散騎侍郎善方有器
局博綜經史以刑獄參軍隨宣帝至襄陽帝初請附西
魏以善方兼記室充使往來凡數十反魏恭帝二年封
長寧縣公及宣帝即位為散騎侍郎起部尚書善方性

清慎有當世幹能故帝委以機密卒贈太常卿諡曰敬
所著集十卷有七子並有操行之利之象最知名

宗如周南陽人有才學以府幕隨宣帝後至度支尚書
如周面狹長帝以法華經云聞經隨喜面不狹長常戲
之曰卿何謂謗經如周踉蹌自陳不謗帝又謂之如初
如周懼出告蔡大寶大寶知其旨笑謂之曰君當不謗
餘經正應不信法華耳如周大悟又嘗有人訴事於如
周謂為經作如州官也乃曰某有屈滯故來訴如州官

如周曰爾何小人敢呼我名其人慙謝曰祇言如周官
作如州不知如周官名如周早知如周官名如周則不
敢喚如周官作如州如周乃笑曰令卿自責見侮反深
衆咸服其寬雅

素敬陳郡人祖昂司空父仕俊安成內史敞少有識量
博涉經史以吏部即使詣周時主者以敞班在陳使後
敞固不從因曰昔陳之祖父乃梁諸侯下吏盜有江東
今大周朝宗萬國招摺以理若使梁行人後陳恐彘倫

失序豈使臣所望主者不能屈以狀奏周武帝善之乃
詔敞與陳使異日而進以稱旨遷侍中轉左民尚書從
陳後主入隋授開府儀同三使終於熙州刺史

論曰宣帝在藩稱帝以蔡大寶為股肱王操為腹心魏
益德尹正薛暉許孝敬薛宣為爪牙甄玄成劉盈岑善
方傳淮褚珪蔡大業典象務張瑄以舊齒處顯位沈重
以儒學蒙厚禮自餘多所獎拔咸盡其器能及孝明纂
業親賢並用將相則華皎殷亮劉忠義宗室則蕭欣蕭

翼人望則蕭確謝溫柳洋王暉徐岳外戚則王洋王誦
殷璉文章則劉孝勝范迪沈居游君公柳信政事則素
敞柳莊蒸延壽甄胡皇甫茲故能保其疆土而和其民
人焉今載慕大寶以下尤著者附于左其在梁陳隋已
有傳則不兼錄

南北史合注卷六十三

欽定四庫全書

南北史合注卷六十四

明 李清 撰

南史六十四

遂興侯詳


南康愍王曇朗

子方春
方慶

武帝一子

文帝諸子

宜黃侯慧紀



孝宣帝諸子後主諸子

永脩侯擬字公正陳武帝疎屬少孤貧質直強記武帝南征交趾擬從焉梁紹泰二年除負外散騎常侍明威將軍以雍州刺史資監南徐州事武帝踐阼廣封宗室詔從子監南徐州擬封永脩侯北徐州刺史褒封鍾陵縣侯晃封建城縣侯晃封上饒縣侯從孫明威將軍鈔封虔化縣侯吉陽縣侯諲仍前封信威將軍慧紀封宜黃縣侯敬雅封寧都縣侯敬泰封平固縣侯文帝嗣位

擬除丹陽尹坐事以白衣知郡尋復本職卒謚曰定天
嘉二年配享武帝廟庭子黨嗣

遂興侯詳字文幾為沙門著書記談論清雅武帝討侯
景召令還俗配以兵馬從定建鄴永定二年封遂興侯
天嘉二年累遷吳州刺史五年討周迪戰敗死之以所
統失律無贈謚子正理嗣見岳陽王叔慎傳

宜黃侯慧紀字元方武帝從孫涉獵書史負材任氣從
武帝平侯景踐阼封宜黃縣侯除黃門侍郎太建十年

吳明徹北侵敗績以慧紀為緣江都督兗州刺史至德
二年改荊州刺史及後梁安平王蕭巖晉巖王蕭瑑等
詣慧紀請降慧紀以兵迎之以應接功位開府儀同三
司禎明三年隋師濟江慧紀帥將士三萬人船艦千餘
乘沿江而下欲趣臺城遣南康太守呂肅將兵據巫峽
以五條鐵鎖橫江肅竭其私財以充軍用隋將楊素奮
兵擊之四十餘戰爭馬鞍山及磨刀澗守險隋軍死者
五千餘人陳人盡取其鼻以求功賞既而隋軍屢捷獲

陳之士三縱之肅乃遁保延州別帥廖之世寵領大
舫詐降欲焚隋艦更決一死戰時有五黃龍備衆
色各長十餘丈驤首連接順流而東俄頃之間風
浪大起雲霧晦冥陳人震駭不覺火自焚隋軍乘
勢坐高艦張大弩射之陳軍大敗風浪頓時頓息
肅收餘衆東走慧紀時至漢口為隋秦王俊所拒
不得進肅敗盡焚公安之儲偽引兵東下因而推
湘州刺史晉熙王叔文為盟主水軍都督周羅暉

與郢州刺史荀法尚守江夏及建鄴平隋晉王廣乃遣一使以慧紀子正業來喻又使樊毅喻羅暎其上流城戍悉解甲於是慧紀及巴州刺史畢寶並慟哭俱降慧紀入隋依例授儀同三司卒子正平頗有文學

南康愍王曇朗武帝母弟忠壯王休先子也休先少倜儻有大志梁簡文在東宮深被知遇為文德主帥頃之卒武帝受禪贈司徒封南康郡王謚忠壯曇朗少孤尤為武帝所愛有膽力善綏御侯景平後起家著作郎武

帝害王僧辨留曇朗鎮京口知留府事紹泰元年除中書侍郎監南徐州二年齊兵攻逼建鄴因請和求武帝子姪為質時四方州郡並多未賓本根虛弱糧運不繼在朝文武願與齊和親武帝難之而重違衆議乃決遣曇朗

陳書載武帝言曰孤謬輔王室致蠻夷猾夏何所逃責今在位諸賢皆欲與齊和好以靜邊疆若違議必謂孤惜猶子今決遣曇朗棄之寇庭且齊人無信謂

我浸弱必當背盟若其果來諸軍須為我力鬪

恐曇朗憚行或當奔竄乃自率步騎京口迎之使質于齊齊背約遣蕭軌等隨徐嗣徽渡江武帝大破之鹵蕭軌東方老等殺之

陳書曰齊人請割地并入馬牛贖之不許

齊人亦害曇朗于晉陽時陳與齊絕弗知也武帝踐阼猶以曇朗襲南康郡王奉忠莊王祀禮秩一同皇子天嘉二年齊人結好始知其亡文帝詔贈開府儀同三司

南徐州刺史乃遣兼中郎令隨聘使江德藻迎曇朗喪
三年春至都謚曰愍初曇朗未質于齊生子方泰方慶
及將遣齊以二妾自隨在北又生二子方華方曠亦同
得還方泰少粗獷與諸惡少年羣聚游逸無度文帝以
南康王故特寬宥之天嘉二年以為南康王世子及聞
曇朗薨襲爵南康王太建四年為都督廣州刺史為政
殘暴為有司奏免六年授豫章內史在郡不修政事秩
滿之際屢放部曲為劫又縱火延燒邑居因行暴掠驅

富人徵求財賄代至又淹留不還至都為御史中丞宗
元饒所劾以王還第十一年起為寧遠將軍直殿省尋
加散騎常侍其年八月孝宣幸大壯觀因大閱武命都
督任忠領步騎十萬陳于元武湖都督陳景領樓艦五
百出于瓜步江帝登元武門觀宴羣臣以觀之因幸樂
游苑設絲竹會仍重幸大壯觀集衆軍整旅而還時方
秦當從啟稱所生母疾不行因與亡命楊鍾期等二十
人微行往民間淫溥于岑妻為州長流所錄又率人仗

拒傷損禁司為有司所奏帝大怒下方奏獄方泰初承
行淫不承拒格禁司帝曰不承則巨測方泰乃投列承
引於是兼御史中丞徐君整奏請解方泰所居官下宗
正削爵土帝可其奏尋復本官爵禎明初為侍中陳亡
與後主俱入隋大業中為掖縣令方慶少清警涉獵書
傳及長有幹畧天嘉中封臨汝縣侯初廣州刺史馬靖
久居嶺表大得民心士馬強盛朝廷疑之至德二年以
方慶為廣州刺史舉兵襲靖靖進號宣毅將軍方慶

甚清謹甚得民和禎明三年隋師濟江都督東衡州刺史王勇徵兵于方慶欲與赴援臺城時隋行軍總管韋洗帥兵度嶺宣隋文帝敕云若嶺南平定留勇與豐州刺史鄭萬頃仍舊職方慶聞之恐勇賣已且欲觀變乃不從勇使高州刺史戴智烈斬方慶于廣州而收其所將兵

陳書曰是時韋洗兵已上嶺鄭萬頃不受勇召而高梁女子浩氏舉兵應隋攻陷旁郡勇計無所出乃以

衆降行至荊州道病卒

鄭萬頃滎陽人司州刺史紹叔族子父曼梁末入魏萬
頃通達有材幹周武帝時温州刺史至德中與司馬消
難奔陳拜豐州刺史甚有惠政吏民表請立碑詔許焉
初萬頃在周甚被隋文帝知遇隋文踐阼甚思還北及
王勇殺方慶乃率州兵拒勇降隋隋授上儀同尋卒
武帝一子闕母氏

愚按昌乃武帝子宜另立傳冠于文宣諸子首不宜

混入陳宗室傳內今改之

衡陽獻王昌字敬業武帝第六子梁太清末武帝南征
李贲命昌與宣后隨沈恪還吳興及武帝東討侯景昌
與宣后文帝並為景囚景平拜長城國世子吳興太守
時年十六昌容貌偉麗神情秀朗雅性聰辨明習故事
武帝遣陳郡謝哲濟陽蔡景歷輔昌臨郡又遣吳郡杜
之偉授昌以經昌讀書一覽便通明于義理剖析如流
尋與孝宣俱往荊州魏克荊州又與孝宣俱遷長安武

帝即位頻遣使請孝宣及昌周人許而未遣及帝崩乃遣之時王琳作梗中流昌不得還居安陸王琳平後天嘉元年二月昌發自安陸由魯山濟江而已陵王肅沈等率百僚上表請以昌為湘州牧封衡陽郡王詔曰可三月甲戌入境詔主書舍人緣道迎接丙子濟江頌之中流使以溺告

愚按侯安都傳昌與文帝書甚不遜故罹此禍武帝從此絕矣初責王僧辯舍敬帝而立淵明詞旨何忠

壯乃甫賊僧辨旋弒敬帝昌之罹禍其武帝餘殃乎
四月庚寅喪至都帝親臨哭詔贈假黃鉞都督中外諸
軍事太宰揚州牧葬送之儀一依漢東平憲王齊豫章
文獻王故事謚曰獻無子文帝以第七皇子伯信嗣伯
信字孚之位西衛州刺史及隋師濟江與臨汝侯方慶
並為東衛州刺史王勇所害

文帝十三男沈皇后生廢帝始興王伯茂嚴淑媛生都
陽王伯山晉安王伯恭潘容華生新安王伯固劉昭華

衡陽王伯信王允華生廬陵王伯仁張修容生江夏王
伯義韓備華生武陵王伯禮江貴妃生永陽王伯智孔
貴妃生桂陽王伯謀二男早卒無名伯信出繼衡陽王
昌伯茂伯固另見

都陽王伯山字靜之文帝第三子偉容儀舉止閑雅喜
愠不形于色武帝時天下草創諸王受封儀注多缺及
伯山受封文帝重其事天嘉元年七月丙辰尚書八座
奏封都陽郡王乃氣度支尚書蕭睿持節兼太宰告于

太廟又遣五兵尚書王質持節兼太宰告于太社其年
十月帝臨軒策命策訖令王公以下並宴王第六年為
緣江都督平北將軍南徐州刺史孝宣輔政不欲令伯
山處邊光大元年徙為東揚州刺史累加開府儀同三
司給鼓吹并秩蓋伯山性寬厚美風儀又於諸王最長
後主深敬重之每朝廷有冠昏享宴恒使為主及遭所
生憂以孝聞後主嘗幸吏部尚書蔡徵宅因往吊之伯
山號慟殆絕起為鎮衛將軍乃謂羣臣曰鄱陽王至性

可嘉又西第之長豫章已兼司空亦須遷太尉未及發
詔禎明三年堯尋陳亡遂無贈益長子君範未襲爵而
隋師至時宗室王侯在都者百餘人後主恐其為變乃
並召入屯朝堂使豫章王叔英總督之又陰為之備六
軍敗績相率出降從後主入長安隋文帝並配隴右及
河西諸州各給田業處之

陳書曰君範與尚書江總友善至是總贈君範五言
詩以叙他鄉離別詞甚酸切當時文士咸諷誦之

大業二年煬帝以後主第六女嫺為貴人絕愛幸因召
陳氏子弟盡還京師隨才叙用由是並為守宰徧于天
下羣範位溫縣令

晉安王伯恭字肅之文帝第六子天嘉六年封尋為吳
郡太守時年十餘歲便留心政事官曹緝理歷中衛將
軍左光祿大夫陳亡入長安大業初為成州刺史太常
少卿

廬陵王伯仁字壽之文帝第八子天嘉六年立為侍中

國子祭酒領太子左庶子陳亡卒于長安

江夏王伯義字堅之文帝第九子天嘉六年封位金紫
光祿大夫陳亡入長安遷瓜州道卒

武陵王伯禮字用之文帝第十子天嘉六年立太建初
為吳興太守在郡恣行暴掠為有司所劾十一年被代
徵還遂遷延不發為御史大夫徐君整所劾免陳亡入
長安大業中為臨洮太守

永陽王伯智字策之文帝第十二子少敦厚有器局博

涉經史太建中立累遷尚書左僕射後為特進陳亡入
長安大業中為國子司業

桂陽王伯謀字深之文帝第十三子太建中立位散騎
常侍薨子鄆大業中為番禾令

孝宣帝四十二男柳皇后生後主彭貴人生始興王叔
陵曹淑華生豫章王叔英何淑儀生長沙王叔堅宜都
王叔明魏昭華生建安王叔卿錢貴妃生河東王叔獻
叔獻乃宣帝元配所生

劉昭儀生新蔡王叔齊袁昭容生晉熙王叔文義陽王
叔達新會王叔坦王姬生淮南王叔彪己山王叔雄吳
姬生始興王叔重徐姬生尋陽王叔儼淳于姬生岳陽
王叔慎王修華生武昌王叔虞韋脩容生湘東王叔平
施姬生臨賀王叔敷沅陵王叔興曾姬生陽山王叔宣
楊姬生西陽王叔穆申婕妤生南安王叔儉南郡王叔
澄岳山王叔韶太原王叔匡袁姬生新興王叔純吳姬
生巴東王叔謨劉姬生臨海王叔顯秦姬生新寧王叔

隆新昌王叔榮其皇子叔叡叔忠叔泓叔毅叔訓叔武
叔處叔封八人並未及封三子早卒無名

叔陵與文帝子伯固另見叔慎見忠義

豫章王叔英字子烈孝宣第三子寬厚仁愛太建元年
封後位司空隋大業中位涪陵太守卒

長沙王叔堅字子成孝宣第四子母吳氏本吳中酒家
婢相者言當生貴子孝宣微時因飲通焉生叔堅及貴
召拜淑儀叔堅少而嚴整

陳書嚴整二字作桀黠凶虐

又頗使酒兄弟憚之好數術卜筮風角鎔金琢玉並究
其妙初封豐城侯太建元年封累遷丹陽尹初叔堅與
始興王叔陵並招聚賓客各爭權寵甚不平每朝會鹵
簿不肯先後必分道以趨左右或爭道而鬪至有死者
及孝宣不豫叔堅與叔陵等並從後主侍疾叔陵陰有
異志叔堅微伺其所為及行逆賴叔堅以免以功進驃
騎將軍開府儀同三司揚州刺史尋遷司空將軍刺史

如故後主患創不能視事政無大小悉決叔堅權傾朝
廷

陳書曰叔堅因肆驕縱事多不法

後主由是疎忌之孔範管斌施文慶等並東宮舊臣日
夕陰持其短至德元年乃詔令即本號用三司之儀出
為江州刺史未發尋以為司空實欲奪其權又陰令人
故造厭魅刻木為偶人衣道士服施機關能拜跪晝夜
於星月下醮之祝詛帝又令上書告其事案驗使實

陳書曰叔堅不自安為左道厭魅以求福助又云有人上書告其事案驗並實與南史不同當從南史後主召叔堅囚西省令近侍宣勅數之叔堅自陳為佞人所構死且慙見叔陵

陳書載叔堅言曰臣心非有他但欲求親耳既犯天憲罪當萬死臣死之日必見叔陵願宣明詔責于九原之下

後主感其前功乃赦之免所居官以王還第後歷開府

儀同三司荊州刺史秩滿還都陳亡入隋遷瓜州叔堅素貴不事家人生產至是與妃沈氏酣飲不事耕種

陳書曰與沈氏酣飲以傭保為事

大業中為建業郡守卒

建安王叔卿字子弼孝宣第五子性質直有材器容貌甚偉太建四年立位中書監陳亡入隋大業中為都官郎上黨通守

宜都王叔明字子昭孝宣第六子儀容美麗舉止和柔

狀似婦人太建五年立位侍中陳亡入隋大業中為鴻臚少卿

河東王叔獻字子恭孝宣第九子性恭謹聰敏好學太建五年立位南徐州刺史堯贈司空諡康簡子孝寬嗣隋大業中為汶城令

新蔡王叔齊字子肅孝宣第十一子風采明瞻博涉經史善屬文太建七年立侍中陳亡入隋大業中為尚書主客郎

晉熙王叔文字子才孝宣第十二字性輕險好虛譽頗涉書史太建七年位都督湘州刺史徵為侍中未還而隋軍濟江隋秦王至漢口時叔文自湘州還朝至巴州乃率巴州刺史畢寶等請降致書于秦王俊王遣使往巴州迎勞叔文文與畢寶荊州刺史陳慧紀及文武將軍吏赴漢口王並厚待之及至京隋文帝坐觀廣陽門叔文從後主至朝堂文帝使內史令李德林宣旨責其君臣後主與羣臣並愧俱拜伏莫能仰視叔文獨欣然

自得後上表陳在巴州已先送款望異常例帝嫌其不忠而方懷柔江表遂授開府宜州刺史

淮南王叔彪字子華孝宣第十三子少聰慧善屬文太建八年立位侍中入隋卒于長安

始興王叔重字子厚孝宣第十四子性質朴無伎藝孝宣崩始興王叔陵為逆誅其年立叔重為始興王奉昭烈王後位江州刺史隋大業中為太府少卿

尋陽王叔儼字子思孝宣第十五子性凝重舉止端方

後主即位位侍中入隋卒

義陽王叔達字子聰孝宣第十七子太建十四年立位
丹陽尹

劉昫舊唐書曰年十餘常侍宴賦詩十韻後筆便就
僕射徐陵甚奇之

入隋大業中為內史舍人絳郡通守武德中位侍中封
江國公歷禮部尚書卒

唐書曰叔達字子聰入隋久不試大業中為絳郡通

守高祖西師以郡聽命授丞相府主簿封漢東郡公
與溫大雅同亮機密方禪代時書冊詔誥皆其筆也
武德初授黃門侍郎判納言封江國公叔達明辯善
為容每占奏縉紳屬目江左士長安作客或汨棧多
荐諸朝嘗賜食得蒲萄不舉帝問之對曰臣母病渴
求不能致願歸奉之帝流涕曰卿有母遺乎因賜之
又資物百段貞觀初與蕭瑀爭殿中生忿辭不恭免
官未幾居母喪又有疾太宗憂之遣使禁欲吊者喪

除為遂州都督病不拜頃之擢禮部尚書始太子建
成等聞間太宗高祖惑之叔達極意救辨至是謂曰
武德內難卿有讜言故以此報叔達謝曰豈獨為陛
下乃社稷計耳後閩簿汗漫為有司露劾帝以名臣
護掩之授散秩歸第卒諡曰繆又贈戶部尚書更諡
曰忠

巴山王叔雄字子雄孝宣第十八子太建十四年立入隋
卒于長安

武昌王叔虞字子安孝宣第十九子太建十四年立入
隋卒于長安

湘東王叔平字子康孝宣第二十子至德元年立入隋
大業中為胡蘇令

臨賀王叔敷字子仁孝宣第二十一子至德元年立入
隋大業為儀同三司

陽山王叔宣字子通孝宣第二十二子至德元年立入
隋大業中為涇城令

西陽王叔穆字子和孝宣第二十三子至德元年立入
隋卒于長安

南安王叔儉字子約孝宣第二十四子至德元年立入
隋卒于長安

南郡王叔澄字子泉孝宣第二十五子至德元年立入
隋大業中為靈武令

沅陵王叔興字子推孝宣第二十六子至德元年立入
隋大業中為給事郎

岳山王叔韶字子欽孝宣第二十七子至德元年位丹陽尹入隋卒于長安

新興王叔純字子洪孝宣第二十八子至德元年立入隋大業中為河北令

巴東王叔謨字子軌孝宣第二十九子至德四年立入隋大業中為汧陽令

臨海王叔顯字子亮孝宣第三十子至德四年立入隋大業中為鵜麻令

欽定四庫全書

新會王叔坦字子開孝宣第三十一子至德四年立入
隋大業中為涉縣令

新寧王叔隆字子遠孝宣第三十二子至德四年立入
隋卒于長安

新昌王叔榮字子徽孝宣第三十三子禎明三年立入
隋大業中為內黃令

太原王叔匡字子佐孝宣第三十四子禎明二年立入
隋大業中為壽光令

後主二十二男張貴妃生太子深會稽王莊孫姬生吳
興王肖高昭儀生南平王嶷呂淑媛生永嘉王彥邵陵
王兢龔貴嬪生南海王度錢唐王恬張淑華生信義王
祇徐淑儀生東陽王恮孔貴嬪生吳郡王藩其皇子恣
觀明綱統冲洽縉綽威辨十一人並未及封

太子深字承源後主第四子少聰慧有志操容止儼然
左右近侍未嘗見其喜愠以母張貴妃故特為後主所
愛至德元年封始安王位揚州刺史禎明二年皇太子

胤廢立深為皇太子隋師濟江其將韓擒虎自南掖門入百寮奔散深時年十餘閉閣坐舍人孔伯魚侍隋軍排閣入深使宣令勞之曰軍旅在道無乃勞也軍人咸致敬焉隋大業中為抱罕太守武德初為祕書丞卒官吳興王胤字承業後主太子太建五年二月乙丑生於東宮母孫姬因產卒沈皇后哀之養為己子後主年長未有嗣考宣命為嫡孫詔為父後者賜爵一級十年封永康公後主即位立為皇太子胤性聰敏好學執經肆

業終日不倦博通大義兼善屬文時張貴妃孔貴嬪並
愛幸沈后無寵日夜構成后及太子短

陳書曰沈后近侍左右數往來東宮而太子亦使人
至后所後主疑其怨望甚惡之故張孔二貴妃皆構
其短

陳範之徒又於外合成其事禎明二年廢為吳興王加
侍中衛將軍卒于隋之長安

南平王疑字承岳後主第二子方正有器局年數歲風

采舉動有若成人至德元年立位揚州刺史遷都督郢州刺史入隋卒于長安

永嘉王彥字承懿後主第三子至德元年位江州都督刺史隋大業中為襄武令

南海王虔字承恪後主第五子至德元年立位南徐州刺史隋大業中為涿令

信義王祗字承敬後主第六子至德元年立位琅瑯彭城二郡太守隋大業中為通議郎

邵陵王統字承檢後主第七子禎明元年仕隋大業中
為監丞

會稽王莊字承肅後主第八子容貌最陋性嚴酷數歲
時左右有不如意輒剝刺其面或加燒爇性嗜酒愛博
以母張貴妃寵後主甚愛之至德元年立位揚州刺史
隋大業中為昌隆令

東陽王恮字承原後主第九子禎明二年立隋大業中
為通議郎

吳郡王藩字承廣後主第十子禎明二年封隋大業中
為任城令

錢唐王恬字承悅後主第十一子禎明二年封入隋卒
于長安

愚按文宣後主諸子多有以無所表見應刑者然予
不刑也一明宣帝猶能矯宋明齊明之失則猶子生
矣一明隋文猶能矯周武之失則亡國之後又生矣
明原故不刑

江左承西晉諸王開國並以戶數相差為大小三品大國置上中下三將軍又置司馬一人次國置中下二將軍小國置將軍一人餘官亦準此為差武帝受命自永定訖于禎明惟衡陽王昌特加禮命至五千戶自餘大國不過二千小國則千戶云

論曰有陳受命雖疆土日盛封建之典無草先王永脩等並以疎屬列居藩屏慧紀始終之迹其殆優乎衡陽南康地皆懿戚提攜以殞惟命也夫文宣二帝諸子不

不一都陽岳陽風迹可紀矣

南北史合注卷六十四